

鉅鹿縣志序

方志之書由來尚矣非特
披圖籍考山川周知戶口
人民疆域阨塞之故其間
風氣厚薄物產豐嗇習俗

奢儉與夫禮教政令所以
補偏而救弊者胥於是
在然則方志顧不重哉
周禮外史所掌為方志
權輿班志僅見於正史
唐李吉甫

始有元和郡縣志之輯厥
後太平寰宇元豐九域方
輿攬勝詳哉備矣然皆綜
天下之全未嘗於一郡一
邑分為枚舉若宋之吳郡

新安元之嘉禾昌國明之
朝邑武功其分著者也我

朝景運宏開版圖式廓幅隕之

廣震古鑠今故始則增修

一統繼則創修百域下至

直省郡縣莫不搜羅採輯
具有成書求其體例精詳
兼綜條貫郡縣志中首推
靈壽鉅製煌煌燦然可覩
迄今承平日久文獻漸彫

有斯民之責者不無遺憾
焉光緒乙酉皖北凌君友
鶴來宰鉅鹿甫下車即以
修志為己任爰考鉅鹿為
古名郡秦漢以來載籍彰

彰可考明永樂間始析為
縣隸順德府萬厯末年邑
令何君創修縣志

國初順治康熙朝邑令王陳
兩君先後踵修自茲以後

百餘年來守缺抱殘此中
因革損益建置廢興以及
風俗殊尚人事變遷不無
歧異則鉅鹿縣志之修所
係尤重予奉

簡命來守順德將及十稔差幸

人物安和風俗樸茂正欲
與賢邑宰講求閭閻疾苦
民生利弊垂法將來適是
書告成凌君求治之意於

此已見一斑因樂為之序
光緒十二年歲次丙戌仲
夏月

誥授

中憲大夫知順德府事卓

異加一級蜀南李贊元謹序

鉅鹿縣志序

周禮小史掌邦志外史掌
方志殆志書之所自昉歟
然其書則無可考也自漢
班固有地理志唐李吉甫
有元和郡縣志之作而志

書始傳鉅鹿古名郡秦漢
以來歷詳載籍明初始析
為縣迄於今二千餘年其
間之興廢因革以及疆域
山川風土人物固先有載
筆以志之者燮去年冬捧

檄茲土受印後即取舊志
閱之為明邑令何文極創
修於永樂間

國初邑令王彙陳可宗郎鑑

三次重修然皆編殘簡斷
字漫漶不可讀邑人因以

志稿二冊進蓋光緒三年
山左張君春熙宰斯土時
因前志而增修之披閱一
過其稿未竟且間有詳略
失宜體裁窳當者未免取
取於心焉但變學殖久荒

艱於撰述無以簿書束縛
鎮日倥傯焉敢召脩明自
任因延拔貢生張君純學
申君景桂恩貢生趙君學
海廩貢生閻君光第副貢
生馬君步瀛增廣生王君

錫琨夏君應坤共襄其事
開局採訪重加編輯遠赫
惺齋太守解組家居攜志
稿而咨焉屬為釐訂一遵
當湖先生靈壽志體例刪
其繁冗補其闕略正其譌

誤凡五閱月而告成後之人徵文考義歷々如繪將一邑之典章胥於是乎在雖不能上窺班李之作然克續前修亦周禮小史外史意也是為序

光緒丙戌甲午月

特用知府候補同知知鉅鹿縣
事皖北定遠凌燮謹序

鉅鹿縣志序

國朝一統志取裁於一十八省勒為成書薄
海內外一道同風鉅製唐皇跨越百代備
哉燦爛真神明之式也然省志實採於各
府府志實採於各州各縣縣之有志巨細
兼賅條分縷析所以廣教化厚風俗顧不
重哉鉅鹿舊為河朔名郡見於歷代郡國

志明永樂間始析為縣萬曆四十一年邑侯何公文極始創修縣志

國初兵燹之後文獻凋零斷簡殘編舊志僅存順治十八年邑侯王公鼎重修之康熙二十年五十一年邑侯陳公可宗郎公鑑又兩次重修之迄於今百六十年所矣其間川瀆之堙塞城池之廢修禮制之舉行

人材之培植里社戶口之繁盛人情風會
之變遷以至官師之政績文武之科名與
夫名臣碩儒忠節孝友仁人義士貞婦烈
女之掩沒於下邑窮鄉間者不知凡幾矣
邑乘之不修後人更無可稽攷此守土者
之責亦此邦人士之羞也光緒三年邑侯
張公春熙始議重修延歲貢生夏應麟等

司其事嗣因年歲荒歉稿未定而罷皖北
定遠凌公家世簪纓崇尚文教去年冬來

蒞茲土甫下車即以修志為急務而屬修

以觀厥成修以前年需次中州未預其事

自揣學識謏陋斷難勝任辭不獲已今春

凌公遂攜志稿殷殷下問修受而讀之其

中義例體裁未盡允協因思畿輔縣志首

推靈壽宜奉為楷模更參以他志畧加變
通舊志原稿內為之定其卷次區其門類
闕畧者補之繁冗者刪之訛誤者正之多
寡不倫前後失序者更定之期於敘述詳
明論斷謹嚴為歸特慮有志焉而未逮耳
後之人因流溯源俾知先正典型於茲未
墜賢司牧治斯邑者因勢而利導之將以

廣教化厚風俗其裨益豈淺鮮哉

光緒十二年夏四月

賜進士出身前任刑部主事陞用知府河南開封府河北同知邑人赫慎修謹序

創修鉅鹿縣志原序

通判馬循道

邑人

萬厯癸未秋邑宰何公創修邑志成俾來問序於余
時餉務方殷束閣累月春初少暇取其書讀之竊惟
古昔聖王設左右史紀言動列國各有史官以識興
替此志之權輿也顧所紀略述治體其於閭閻生聚
田野孳息多所未備其體宜爾也若禹貢則不然大
者山河之經行壤賦之則例陂澤之異名蠻夷之殊
制載之宜矣微而至於篠簜箇箝江龜海錯絲枲之
屬種種具備又何不厭猥瑣也蓋古人爲後人計至

深且遠苟可取以裕民生阜財用者雖微必錄矧其
大者乎郡縣置而列國之史亡史亡然後志乘作是
志固所以續古史一綫之緒而爲今史之濫觴者庸
可闕與鉅鹿爲趙故墟今爲畿輔首善地累代釀醞
道久化洽宜有可以紀述表揚詔來世者乃竟湮沒
無聞貽識者文獻莫徵之歎幸今邑侯何公以國史鴻
才小試郡邑政優多暇慨然以斯文爲己任於是旁
蒐博采勒成一家之言首志版籍次表沿革都邑定
而後庶政出故建置田賦祠祀次之君國子民則自

王公而下逮於庶寮邑所自治也選賢任能則自明
經而下迄於諸科邑所自出也有封爵官師選舉諸
表有循良人物諸傳雜志紀事文藝終焉凡民生休
戚國計盈縮皆取其素所研精覃思經理區畫者筆
之於書卽猥瑣有所弗棄猶之善理家者舉其田產
器具與前人行事悉籍記之以遺其後卽可永保厥
家然則是編也卽謂爲一邑指掌圖可矣後之君子
有覽於斯文篤而信之則爲著蔡遵而行之則爲準
繩其大造吾桑梓誠厚幸哉至公之恩澤淪洽百姓

有如良金美玉市肆自有定賈余曷敢溢加一詞公
諱文極雲南太和人丁丑進士

大明萬曆二十二年春三月

重修鉅鹿縣志原序

進士 楊時薦 邑人

魏邑之有志尙矣觀天察地見于易是以星分疆域
則有志任土作貢見于書是以壤賦徭役則有志高
山仰止見于詩是以官師人物亦有志志之時義大
矣哉吾邑鉅鹿舊有志書創自邑宰何公凡邑之封域
本未以暨藝文之題詠靡不博採而備錄之誠一代
之良史也但時移世易自前明萬曆二十一年絕筆
迄今已經六七十年矣其間時事遞更殘闕未補版
籍盡毀遺編銷沉徒令稽古者扼腕咨嗟無所考證

良可慨也今

國朝定鼎百度維新而志書湮沒不傳非急宜修舉者乎歲辛丑中州王公宰斯邑甫下車卽詢民疾苦釐弊舉墜毅然以興起文教爲己任偶得縣志遂將原本付諸剗刷更博訪逸事叅訂耆儒舉六七十年未補之事臚列彙編鈔版以成全書眞可紹前賢而啟後人永傳不朽矣刻成走一介于長安問序於余余以文獻凋零無可稽考士君子之恥也每懷纂輯有志未逮今幸先得我心方樂道而掄揚之敢以固陋

不文辭乎竊嘗因是而有感矣氣運剝極必復人事
廢極必興物理窮極必反乘除之數類然而何疑于
志雖然此一役也有三異焉以兵燹之後志書散失
覓之本境而莫覲者張立甫宦遊于晉而得之此一
異也以煨燼之餘不啻奉爲拱璧又幾浮沉而復得
于王公之笥中又一異也以六七十年已載之典章
未補之餘緒悉將滅沒一旦燦然俱備復如日月中
天又一異也是書也俾邑之人覩山川景物則堅其
安居樂業之心觀忠孝節義則興其去惡向善之志

其所以助政教豈淺鮮哉是爲序時

順治十八年歲次辛丑仲秋月

重修鉅鹿縣志原序

鉅鹿縣知縣
奉天廣寧人郎

鑑

國史邑乘非以洽聞用以經世故國史患其雜而厯
歲久則修恐爲信史累也邑乘患其缺以略不久卽
續毋使遠而湮也鉅鹿爲古史有名地而考稽故實
前事無多良由代有兵燹兼之漂沒蕩析之餘雖有
賢不賢之識亦散失無存焉自萬厯二十有一禩何
公文極蒞斯邑採葺摭拾勒成一書爲卷八爲部十
有二則邑志之權輿也厥功偉矣自茲以還斷續磨
滅者垂七十餘稔至

國朝順治辛丑歲王公鼐起而修明之增訂叅補實有承前啟後之力又越二十年陳公可宗輒肩斯任邑志復賴以不墜距今歷有年所矣其沿革封域封爵諸表已往者固一仍其舊若建置則興替靡常祠祀則圯葺異代官師選舉裘易而薪積矣戶口賦役增加裁節者有差至於循良載在口碑人物傳諸輿論藝文播之遐方凡皆歲異月新滄桑變易失今不錄久且或遺他日輶軒使者有問則此三十年中事奚以報塞予自受任邑事以來卽有斯志而始事塵鞅

缺焉未逮時於暇日逐一增修間與邑之賢良文學

遊相與諮質採訪漸多比者清和無事四境于于乃

力竣其事至原書之魯魚亥豕什居二三悉爲訂正

爰錄成而授諸梓凡昔備而今缺與昔廢而今興者

悉皆依類纂入瑣事蕪詞無關世道槩置弗錄務使

言之可傳傳之可久庶幾存往蹟誌前徵用以備採

風者之考證不至歷久而失傳焉若乃幽光潛德或

遺於表章藻藝鴻文或失之採取則俟後之君子矣

時

康熙五十一年孟冬月

鉅鹿縣志歷修姓氏

明

萬曆二十一年創修

鉅鹿縣知縣何文極

雲南太和人

國朝

順治十八年重修

鉅鹿縣知縣王

鼐

河南林縣人

康熙二十年重修

鉅鹿縣知縣陳可宗

奉天海城縣人

姓氏

康熙五十一年重修

鉅鹿縣知縣郎

鑑

奉天廣
益人

修志姓氏

光緒丙戌
年重修

總修

花翎知府用候補同知鉅鹿縣知縣凌

燮

安徽定遠縣人

協修

運同銜前任鉅鹿縣知縣張春熙

辛酉拔貢山東霑化縣人

前任鉅鹿縣知縣褚登瀛

甲戌進士安徽當塗縣人

任邱縣知縣前任鉅鹿縣知縣林穗

丙子進士福建閩縣人

衡水縣知縣前任鉅鹿縣知縣王贊元

丙子進士福建閩縣人

靜海縣知縣前任鉅鹿縣知縣趙映辰

辛未進士奉天承德縣人

六品銜原任鉅鹿縣訓導湯濟勳

庚子舉人
南皮縣人

鉅鹿縣教諭前任國子監學正孫體仁

乙卯副貢
玉田縣人

前署鉅鹿縣訓

導齊贊廷

己未舉人
昌黎縣人

鉅鹿縣訓

導王麗堂

丁卯舉人
故城縣人

總纂

六品銜歲貢生夏應麟

邑人

知府用前任河南開封府河北同知赫慎修

丙辰進士
邑人

分纂

候選教諭前署安平縣訓導張純學

癸酉拔貢
邑人

恩貢生候選教諭趙學海邑人

五品銜候選直隸州州判申景桂辛酉拔貢

五品銜廩貢生候選訓導閻光第邑人

五品銜增廣生王錫琨邑人

五品銜增廣生夏應坤邑人

徵舉孝廉方正湖北候補直隸州州同馬步瀛邑人
已未副貢

分校

附貢生張朴邑人

歲貢生谷會昌邑人

原任獲鹿縣訓導張成德

王子舉人
邑人

附生馬澍田

邑人

附生夏得霖

邑人

六品銜候選訓導李友桐

邑人

督梓

守備銜候補千總田寶璋

採訪

州同銜前任廣西北流縣巡檢張杰

以下均邑人

太學生楊恆謙

癸酉科舉人宋林森

己卯科舉人劉鳳章

歲貢生辛廷諤

廩貢生前任深州訓導邱瀛洲

候選守禦所千總閻懋建

增廣生王夢雲

五品銜附生張可珍

六品銜附生張楷

歲貢生張舜齡

姓氏

廩

膳

生董晉墀

附

生武行儒

六

品銜太學

生楊鍾麟

鹽

提舉銜候補通

判谷葆昌

候

選從

九孫魁斗

六

品銜候選把

總徐延年

六

品銜候選訓

導張從龍

歲

貢

生孫德隣

歲

貢

生田鳳翔

五品銜候選直隸州州判李天靈

丁酉拔貢

廩

膳

生王國楨

廩

膳

生孫玉堂

附

生張清川

宋觀光

鄭元凱

尹蘭澤

周照乘

姚樹德

王日隆

陳燮和

杜德清

李沛源

解景福

張中和

太學

生楊恆忠

廩膳

生辛景震

繪圖

附

生夏得霖

膳錄

附

生張桐

張象箎

王源漢

谷克文

凡例

一直省縣志首推靈壽義例體裁悉臻允協茲編奉
爲楷模參以畿輔通志順德府志并鄰縣廣宗南
宮各志畧加變通務期綱舉目張有條不紊

一舊志何公創修者無存陳公郎公兩次重修亦缺
畧惟王公志僅存迄於今二百餘年世代曠隔艱
於搜羅卽畧有傳聞亦不敢登諸紀載謹從闕文
之例以昭核實

一志書首列圖經提綱挈領一目瞭然但今昔建置

不同興廢各異縣城縣署學宮三圖多仍其舊書
院一圖既非舊地一律更新至疆輿限於尺幅里
社難以悉登其中城池河渠隄防邊界尤關緊要
茲編將附郭村莊與沿河沿隄沿邊各村莊一一
註明其餘僅存一十七社三總名色畧按方向以
資攷據八景繪爲一圖亦附於冊

一靈壽志十卷皆稱志最爲確當今從之分爲十二

志曰地輿曰建置曰學校曰典禮曰賦役曰風土
曰事異曰官師曰選舉曰人物曰列女曰藝文其

中各分門類期於明晰

一舊志地輿只列疆域古蹟不載河渠此於地方關係最大今參詳古籍並添澤藪一條庶後人有所攷據又里社與八景宜歸地輿卷以便核査

一建置志內舊有而今廢者皆存其名舊無而今增者亦書其故壇廟祠宇之所由來或加註釋以明其源委此亦靈壽志例也至於隄防以漳水寨堡以禦寇其創建原由尤不可以不記

一舊志學宮載在建置茲編特置學校一卷以闕里

文獻考爲本備載祀典及一切制度稍加考據兼附祭章以期詳明而資博覽至書院義學佐學校所不逮亦并附於後

一舊志缺典禮一卷蓋以

本朝作述明備

大清會典通禮禮部則例頒發郡縣一體奉行故靈壽志不載但鄉曲人士未易披覽官書鉅典煌煌豈堪終昧今照南宮志詳細補入庶幾文人學士有所遵循於教化不無裨益

一賦役征收歷代不同地畝戶口隨時增耗今遵道光四年所修賦役全書纂爲定例庶閭閻之富庶於茲可徵

一風俗種植最關緊要舊志載在地輿今特增風土一卷庶幾風會之變遷爲儉爲奢後人有所稽查地利之盛衰時肥時磽後世有所考核

一舊志有雜誌一卷不倫不類今改爲事異志事者寇賊竊發之事異者水旱偏災之異

國初撥亂返治可紀者甚多而舊志頗畧此後運際承

平時和年豐垂白之老不睹兵革偶有偏災

恩澤立沛民生其時何其幸也近數十年來小醜跳梁旋

卽廓清其事有可紀者謹附於冊以便後人稽攷

一舊志官師封爵選舉分爲三表又選舉本紀科名

舊志內夾敘事績儼若列傳皆於體裁不合茲編

削去表紀列傳等名通名曰志亦靈壽志例也將

封爵并入官師事績載在人物各以類從以合體

裁

一人物志所以區別流品同方同術各以類從才德

兼全功績卓著固不同獨行之士一節可風也况忠孝未能兼盡文武本自殊科大德不遺片長必錄近可以啟發人心遠可以磨勵風俗

一列女志所以發潛德之幽光舊志所存固宜悉載近時所訪尤貴廣收無論已旌未旌但年分既合人言無間一例附入庶幾苦節貞心不致湮沒

一藝文志關乎一邑者列前編關乎一人者列後編此亦靈壽志例也前賢著作除寺廟碑文重見疊出者畧去一二其餘悉登於籍近人文字如筆墨

不俗稍有關係者亦得附入藉以永存


一舊志每卷首各列小序爲一卷綱領茲編卷次既經更定節目亦有不同故舊序皆不能用每卷之首另易新序并添細目以便稽查爲是編者旣無野史又乏家乘年湮代遠無從搜求疎畧之愆徒滋扼腕識者諒之

鉅鹿縣
總圖

東

至新河
縣九十里


北




南


縣城圖


廟帝關 壇厲邑 國澤漏







縣治圖







學宮圖





廣澤書院圖





組

鹿

泉

河

隄

圖

鉅鹿縣河堤全圖 東



北

隆平縣界

北官亭

潘莊

王家莊

滄陽河

任縣界

張家莊

南哈嘴口

北鹽池

西郭城

賂家寨

南原莊

午時村



樂利堤

平鄉縣界

西

圖考

圖考
圖考

圖考

The image displays the characters '圖考' (Tú Kǎo) in seal script. The top row shows the characters in a traditional, slightly irregular seal script style. The bottom row shows the characters in a more stylized, blocky seal script style. The characters are arranged in two rows and three columns. The first column contains the character '圖' (Tú), the second column contains the character '考' (Kǎo), and the third column contains the character '圖' (Tú) again. The characters are rendered in a high-contrast, black and white style, typical of a woodblock print or a high-contrast scan of a document.

團城霽雪


弄弄弄

石康歸雲

漳河春漲

花窩春曉

大陸晨耕



柳窪風清

舊城樓閣



古寺鐘聲



鉅鹿縣志目錄

卷一

地輿志

沿革 疆域 分野 川澤
古蹟 八景附 里社 集鎮 隄防

卷二

建置志

城池 公署 壇廟 寺觀附 倉儲
郵政 坊額 舖舍 橋梁 寨堡

卷三

學校志

學宮 學署 書院 義學

卷四

典禮志

秩祀 朝賀 迎詔 迎春 薄蝕
讀法 賓興 鄉飲 勸農 較閱

餘禮附

卷五

賦役志

戶口

耗銀

丁銀

匠銀

起運

卷六

風土志

風俗

歲時

物產

卷七

事異志

紀事

災異

卷八

官師志

封爵

知縣

教諭

訓導

典史

名宦

卷九

選舉志

進士	舉人	恩貢	拔貢	副貢
歲貢	優貢	廩貢	例貢	例職
武進士	武舉	武職	例仕	封贈
廕襲				

卷十

人物志

名臣	理學	忠節	孝友	文翰
武功	篤行	好義	隱逸	仙釋附

卷十一

列女志

忠勇	節孝	節烈	壽母附
----	----	----	-----

卷十二

藝文志

前編	後編	續編
----	----	----

鉅鹿縣志卷一

地輿志

沿革

疆域

分野

川澤

隄防

古蹟

八景附

里社

集鎮

鉅鹿卽古大陸自秦漢以來代爲名郡明初始析

爲縣特郡之一偏耳其地勢平坦無高山大川土

脈深厚原隰交錯其人士率質直敦厚簡樸少文

二百年來安居樂業則

國家休養生息之恩深焉宰斯土者化民成俗之道
所宜講求至疆域地利川澤隄防其興廢舉墜責

在守土尤邑之首務也志地輿

沿革

唐虞禹貢冀州之域夏商因之

按禹貢大陸既作許氏說文鉅大也古者鹿陸通

用則鉅鹿大陸一也

按禹貢爾雅九州皆先冀州其餘青梁幽營諸州二書雖

不同惟冀州之名未改爾雅註曰此蓋殷制故夏商皆屬冀州

周屬邢國

按成王封周公四子爲邢侯左氏曰凡蔣邢茅周

公之允是也

春秋屬衛

按周襄王十七年衛侯燬滅邢地遂入於衛

戰國屬趙

按周貞定王十六年晉趙無恤約

魏駒韓虎

反攻荀瑤

滅之三分其地則趙亦有邢襄之地矣考王九年

衛入趙置南緜城註曰南緜縣屬鉅鹿郡

又按舊志威烈

王三十二年晉大夫魏斯趙藉韓虔三分晉地今考通鑑綱目在周貞定王十六年時魏斯趙藉韓虔尙未爲大夫况威烈王二十三年盡未及三十二年誤今正之

秦置鉅鹿郡

按始皇并六國分天下爲三十六郡鉅鹿其一也
二世二年秦將章邯擊趙圍鉅鹿三年楚項籍救
趙大破秦軍於鉅鹿

漢沿之爲鉅鹿郡

新莽改爲和戎郡

東漢復爲鉅鹿郡

按更始二年世祖北徇薊王郎反河北郡國皆應
之獨信都太守任光和戎太守邳彤將兵來會復

改和戎爲鉅鹿郡

三國屬魏仍爲鉅鹿郡

晉初省

石趙復置鉅鹿郡

元魏太平眞君六年并入栢人太和二十年又置南
繚屬南趙郡

北齊廢

隋開皇六年復置南繚大業初仍改鉅鹿屬襄國郡
唐武德元年置起州并析置白起縣四年州廢省白
起以鉅鹿隸趙州貞觀元年屬邢州

五代皆仍鉅鹿

宋屬信德府

金屬邢州

元屬順德路

明洪武元年屬北平布政使司永樂間析爲縣屬順德府

國朝因之

舊志何文極曰禹貢大陸解曰鉅鹿北廣阿澤是也又呂氏春秋云地有九澤越之具區楚之雲夢

趙之鉅鹿註云卽廣阿澤今其地悉爲隴畝鉅鹿之名蓋本諸大陸云

疆域

廣袤

鉅鹿縣在府治東北廣六十里袤六十五里

四正

東至廣宗縣界二十里以高馬莊爲界

西至任縣界三十里以尹家莊爲界

南至平鄉縣界十八里以前屯爲界

北至新河縣界五十里以韓常路爲界

四隅

東北至南宮縣七十里以趙莊爲界

西北至隆平縣六十里以小原莊爲界

東南至廣宗縣三十五里以王柏社爲界

西南至南和縣九十里以南原莊爲界

西南至府治一百二十里北至省垣四百里東北至

京師八百里

分野

晉書魏郡鉅鹿中山常山俱入昴

按史記天官書及郡國志鉅鹿當入昴之三度以統於郡

川澤

大陸澤一名廣阿澤府志云在鉅鹿縣城北五里昔有蓮菱魚蝦之利今爲田隴矣

按方輿紀要云鉅鹿縣廣阿澤亦曰大陸接趙州隆平縣界楮而復流卽宣晉之胡盧河也

王原祁大陸澤圖記大陸澤廣袤數十里九河之

水皆滙焉

按九河爲洛沙蔡馬澧達活百泉聖水滄陽而
滄陽較鉅九河外尙有抵沛等八河皆自任縣
西歸於大陸滄陽則自穆家口洩大陸之水經
隆平宜晉下天津萬厯二十六年漳河溢入滄
陽決而東徙故道猶存所謂古滄陽也古滄塞
大陸之水從雞爪河東瀉於新決之滄陽其勢
也然

畿輔通志云爾雅大陸載在十藪

尙書大陸旣作孫炎曰鉅鹿北廣阿澤河所經也
程氏曰鉅鹿去古河絕遠河未嘗逕邢以行鉅鹿
之廣阿非是按爾雅高平曰陸大陸云者四無山

阜曠然平地蓋禹河自瀘相以北皆行西山之麓故班馬王橫皆謂載之高地則古河之在貝冀以及枯澤之南率皆穿西山踵趾以行及其已過信澤之北則西山勢斷曠然四平蓋以此地謂之大陸乃與北至大陸者合故隋改趙之昭慶以爲大陸縣唐又割鹿城置陸渾縣皆疑鉅鹿之大陸不與河應而亦求之向北之地杜佑李吉甫以爲邢趙深三州爲大陸者得之

按孔氏傳云大陸之地已可耕作其導河章又曰

大陸澤名詳釋經文大陸既作其義與雲土夢作
又同水去而地可耕治原不以大陸爲非澤也夫
水勢變遷涸溢靡定卽以今大陸言之水潦發時
洪濤浩淼一望無際及其既去疏渠修堰污泥潰
潦悉爲膏壤以今準古又何疑焉

漳河在城東十五里此濁漳自山東邱縣北行之一
支也

尙書地志漳水二一出上黨沽縣大陂谷今平定
軍樂平縣少山也名爲清漳一出上黨長子縣鹿

谷山今潞州長子縣發鳩山也名爲濁漳東至鄴合清漳東北至阜城入北河

桑欽云二漳異源而下流相合同歸於海蓋漢初漳猶入河其後河徙日東去漳水益遠而漳自入海矣

漳有二源清漳出山西平定州樂平縣沾嶺濁漳出山西潞安府長子縣發鳩山二水分流至河南彰德府涉縣合而爲一曰交漳口東行入磁州西南境又東入臨漳縣東北入廣平縣南分爲二支

一入魏縣至館陶縣入衛一入邱縣又分二支一
爲老漳河經威縣之南東北行入南宮縣至青縣
亦合衛河一支爲小漳河西北入廣宗縣北經平
鄉縣東又北逕鉅鹿縣東又北至寧晉縣會滏陽
河抵冀州入滹沱河

參廣平畿
輔二志

按嘉慶二十二年邑令伍傳沛奉檄查明小漳河
由廣宗縣板台入本縣境南花窩村至柴城出境
入隆平縣杜常路村計長五十里二十三步明成

化年開挑

查漳水自康熙二十三年徙趨東省不復至鉅上
游平鄉廣宗俱成乾河近數年來河水又至光緒
九年十一年皆盛漲上游廣宗境內河漫出流入
縣境淹沒田地無數河水亦累月不消下游一帶
更成澤國矣

按縣城以東漳河以西現有古河一道南自隄
村集入境北至臘觀寺皆有形跡疑古漳河

滏陽河

按河源出磁州神麴山東行至磁州南繞城東北

行至閻家淺入邯鄲縣界又東北至廣平府城南
橋轉至城東橋東北至曲周縣東橋北逕雞澤縣
自雞澤縣三十里至平鄉縣夏莊橋四十里至任
縣新店橋三十里至任縣邢家灣河折而東又折
而北逕鉅鹿境三百餘丈北至隆平縣牛家橋又
九十里至寧晉縣鋪頭又十里至孝口入漳河

嘉慶二十二年邑令吳公查明滏陽河源出磁州
神廟山滏泉經邯鄲永年曲周雞澤平鄉任縣等
處入縣境張家莊仍由張家莊出境入隆平范家

莊計長一里一百七十三丈九尺明正統二年開
挑東岸建偏閘二座張家莊閘一座乾隆九年建
范家莊閘一座乾隆十二年建均係灌溉民田

鹹泉

按泉在城北元和志鉅鹿縣有鹹泉煮而成鹽百
姓資之

隄防

護城隄

附郭半里許週圍約長二十里所以禦水

樂利隄

按郡志作老裏隄自縣東南午時村起邇迤西北界連廣宗平鄉任縣至北路官亭鎮以北止計長一百里以捍水患明宏治二年知縣陳公創建順治十一二年知縣傅登庸承檄重築十七年知縣王蘄於要害處增培堅厚每逢大水附近村莊嚴加防守以備崩決自此以後南水不復爲患矣按此隄特備滏陽等水漫溢故僅築西面以護城垣而資捍禦

古蹟

舊城

按括地志邢州平鄉縣鉅鹿故城也舊唐書地理志平鄉漢鉅鹿郡故郡城在今縣北十一里又寰宇記後魏景明中移鉅鹿縣治於舊城東三十里

按三說不甚明析大約古郡治在平鄉縣若本縣所屬以舊城名者凡三村未必卽縣城也闕

疑俟攷

南緣故城

按城在縣治北漢置後漢書註縣名屬鉅鹿郡故城在今邢州栢人縣東北魏書地志註二漢屬鉅

鹿晉罷後復元魏眞君六年併栢人太和二十一年復南緣城

白起故城

按城在縣治西南唐武德置起州並析置白起縣四年州廢省相傳白起攻趙築城於此故名

柴城

按城在縣治北三十里周世宗爲世子時所築遺趾尙存

團城

按城在縣治東北四十里民居環繞如城元隴西
公韓德恭居於此

堡城

一在上疇北一在張王疇西一在棗園一在午時村北

八景

漳河春漲 大陸晨耕 石鹿歸雲 團城霽雪

古寺鐘聲 舊城樓閣 柳窻風清 花窩春曉

里社

在坊社 在城領村三十七

小馬莊

玉皇廟王莊

金玉莊

南王莊

賈家莊

劉酒務

南任莊

付家莊

野場

陳家莊

樓里村

趙家村

法市莊

孔家寨

盧家莊

東甄莊

西甄莊

前柳行

後柳行

張毛莊

閆家橋

八里莊

梁家莊

尹家莊

武家莊

司家莊

高家莊

鄧家莊

趙家莊

徐家莊

王家莊

尼家莊

張家村

武家寨

郭家莊

鏗王莊

張王疇

里仁社

縣西二十里領村八

進虎寨

馬家營

柳窪

南鹽池

大小張莊

大韓寨

小閭莊

北鹽池

西白社

縣西北九里領村十

大官莊

夏舊城

上疇

木匠莊

梁家園

何家寨

胡林寨

崔家寨

馮家寨

小韓寨

南韓社

縣南十二里領村十五

一里莊
苑河頭村
李河頭村
范河頭村

孫河頭村
小留莊
灣子村
前屯

紀家寨
劉家莊
賈莊
大王路

小王路
侯柏社
王柏社

石鹿社
縣北二十里領村十二

郝魯村
林家莊
樊家堂
東孟莊

大留莊
前屯村
河王家莊
蘇家口

王舉莊
王六村
城裡
郭家莊

臺頭社
縣東北二十里領村十五

大留

神堂坡

戲樓張莊

外神仙

賈家街

南孟村

西孟村

北仁莊

吉家莊

陳家莊

臺頭莊

高家莊

段昇營

東馮寨

柴城

德新社

縣西十五里領村二十一

老馬莊

草迷楊莊

東付寨

西付寨

安家莊

田家莊

張家莊

李家莊

薄家莊

喬家莊

野井

前安子

後安子

姜家莊

趙家莊

午時村

張家莊

郭家莊

孫家屯

團城

韓家莊

移民社

縣東南十七里領村十三

狄村集

靳狄村

塔狄村

王狄村

白伏村

楊家莊

菜園

南原莊

楊家寨

路家寨

田爾寨

大寨

棗園

崇禮社

縣西十五里領村八

張威

東郭城

西徐莊

油房

西郭城

郝家寨

紙房

小呂寨

敬義社

縣東八里領村十五

二郎廟

大張莊

吉家屯

蘇家屯

李厦頭

曹辛莊

大孟莊

張家莊

柳林村

劉家莊

閆家口

陳家莊

楊家莊

馬家莊

洪水口

安居社

縣東北十六里領村十

前辛莊

銅馬鎮

大河道

二河道

三河道

周家莊

胡家莊

進頭營

辛莊集

姚家莊

屈家莊

居智社

縣北二十里領村十四

魏家莊

樊家莊

西下疇

安家莊

辛集

琉璃寺

高家莊

馬家莊

任花窩

武花窩

楊花窩

李花窩

景花窩

苗家莊

豐田社

縣北三里領村十二

蘇家營

滑舊城

前北無塵

後北無塵

尙家莊

閆疇

黃家莊

苦草馬莊

閆家莊

宋家莊

辛建莊

順民屯

廣業社

縣西十里領村十五

乍補寨

哈哺口

喬家莊

大馬房

沙井

大屯頭

小屯頭

袁堅臺

董堅臺

北堅臺

盧堅臺

東辛寨

西辛寨

小辛莊

朱家莊

南社

縣北二十五里領村十三

趙莊

于家莊

左舊城

王舊城

孫舊城

夏舊城

劉舊城

柴家莊

蘇石鹿 齊石鹿 岳石鹿 左石鹿

東劉莊

北社

縣西北十五里領村十六

大呂寨 張家莊 宋家莊 王虎寨

王義寨 小閭莊 尋虎 前塔寺口

後塔寺口 小屯村 張家莊 瓜劉莊

楊家莊 鐵劉莊 王家莊 杏李莊

忠信社

縣北三十里領村十七

劉路莊 小馬房 白家寨 孟家莊

劉屠莊

小官莊

柳茂

大王莊

蕭莊

小寨

觀音寨

石佛店

小王莊

大小潘莊

張文言莊

北喬莊

馬旺營

按舊志舊籍明洪武間所置里甲皆土著遺黎
謂之土民永樂初京師草創乃遷山西洪洞縣
五百餘家聽其開墾荒地以爲常業是謂遷民
成化中生養蕃息新增三社共一十七社今又
益之以三總

南總 縣北三十里領村六

賈家莊

劉家營

魚營

凌石屯

張起營

官亭集

上總 縣北四十里領村六

常家營

馬家莊

解田莊

韓家營

普盛營

董家莊

下總 縣北五十里領村十二

張常路

韓常路

公常路

袁常路

店子村

董家營

陳耆營

潘莊

李五營

裡神仙

北官亭

劉家莊

集鎮

月之單日集

城市

柳行

尋虎

大韓寨

東郭城

柳茂

官亭

雙日集

辛莊

大呂寨

何家寨

南原莊

張王疇

孟家莊

賈莊

塔寺口

侯柏社

觀音寨

大河道

金屋藏元
一六三八日集

團城 西孟村 夏舊城

二七五十日集

隄村 河頭村 王六村 趙莊

二七四十日集

閻疇 戲樓張莊

五十日集

辛集 蘇家營

一三六九日集 于家莊

鉅鹿縣志卷二

建置志

城池

公署

壇廟

寺觀附

倉儲

郵政

坊額

鋪舍

橋梁

寨堡

自古度地制邑畫疆分守築城鑿池設險保衛鉅鹿縣城垣四面皆沙土性鬆浮故城易傾頽池易填塞屢次修葺挑濬未獲深固地瘠者民貧城內名閥巨族強半凋零列肆市廛未臻繁盛此亦運會使然也若夫公署以出政壇廟以禮神倉儲以備緩急郵政以收貧窮樹風聲則有坊額通郵傳

則有舖舍卽寺觀蘭若神道設教亦非徒壯觀瞻
已也志建置

城池

舊城在今縣北十有一里唐垂拱元年因漳水爲患
遂徙於東南隅周圍七里十三步高三丈基濶三丈
五尺上濶一丈二尺池附於城深一丈五尺濶二丈
初開四門南迎薰北拱辰東通陽西安德嘉靖七年
知縣張光祖於東南增修一門曰聚奎俗呼爲小東門通舊
爲五城上復建一樓曰桂籍後三十年知縣王宮增

修陴堞砌以甃知縣孔學易又增修戍樓後廢萬曆五

年知縣張東曉重修城垣十二年知縣何文極於西

門內初建甃屏一座周圍復修戍樓瞭墩巡舖十三

座後俱廢去城里許又營外郭以禦漳水崇禎十二年

知縣孫接武重修城垣通砌以甃順治六年知縣劉

洪進增修城門樓四座城上窩舖百餘所後廢十七年

知縣王鼐於西門外初修照壁一座以固風氣後廢自

是以後歷年久遠城垣門樓俱已坍塌咸豐九年知

縣石元善重修四門各易其名南曰來薰東曰迎旭

西曰挹爽惟北門仍舊復修譙樓四座同治六年知縣方汝翊重修城垣復修聚奎門樓一座城四圍增修砲臺十二座

公署

縣治在西大街永樂間建大堂三楹曰忠愛堂堂前爲甬道又前爲戒石坊爲儀門東西爲甬門堂兩翼爲六曹廊房各一聯堂東爲庫樓樓下有庫舍又東爲鑾輿庫凡五間藏儀仗今廢堂西南爲武庫藏軍器今廢堂後爲思補堂左有書房右有廚房又後爲知縣宅天

順間知縣張紀正德間知縣陳宇嘉靖二十二年知縣王勣相繼重修三十二年知縣閻光祖於宅後創建觀風樓一座今廢三十七年知縣何騰黃於儀門正

南創建大門上樹譙樓一座萬厯元年知縣孔學易於儀門東南創建寅賓館一所今廢自茲以後諸廳舍

漸就傾欹十一年知縣何文極俱重修順治十七年知縣王鼐劄修縣門外榜棚一所今廢二堂西書舍三

楹宅後角樓一座今廢康熙四十六年八月知縣郎鑑

到任譙樓儀門牌坊傾圮已極遂竭力措修至次年

二月始告竣並六曹廊房亦撤而新之二堂西書舍
三楹復爲修葺加以丹雘顏曰學製其後餘隙地一
方築室三楹爲懸魚處今廢道光十年知縣王燕堂重
修大堂同治四年知縣方汝翊重修戒石坊

典史署在縣署西知縣何騰黃建萬曆十一年知縣

何文極重修把總署在水市街西演武場在縣治西

南南北長一百三十五步六小尺東西濶三十六步

一小尺演武亭三楹將臺一座知縣何文極重修今廢

廐在縣署東十六間順治十七年知縣王鼐翺建

監獄在典史署南

旌善亭在譙樓西

今廢

申明亭在譙樓正南榜廊一聯居其中是爲縣制亭

廊知縣何文極重修

今廢

陰陽醫學在縣門東設官訓術訓科各一員

今廢

僧會司在縣治南三明寺設官僧會一員

今廢

察院在縣治東大門外東西行亭各一所二門內正

廳五楹曰風紀重地鈔案房在東皂隸房在西廳

後川堂直接正寢五楹顏曰正己格物寢堂東別

爲小院中有亭三楹顏曰路堂歲久傾圮萬曆十一年知縣何文極重修今廢

太僕寺在縣治西本爲馬政而設後以黥印不行改爲西察院顏曰憲臺今廢

壇廟

風雲雷雨山川城隍壇在城南門外

按唐虞望祀山川周禮有風師雨師之祀漢高祖祠雲中君平帝時分雷公風伯廟於東郊兆雨師

廟於北郊兆至隋始爲壇宋徽宗時風師在城之

西雨師在城之北雷從雨爲二壇其後祀風師於
東北郊祀雨師雷師於西南郊立春後丑日祀風
師立夏後申日祀雨師是地與時各有不同明洪
武二年勅府州縣以風雲雷雨爲一壇山川城隍
爲一壇三年命合祭之

國朝定制風雲雷雨山川城隍之神共爲一壇壇制崇
三尺方二丈五尺四出陛各三級繚以周垣西門
朱色自南門入東南隅爲燎所壇北正中立石主
一去壇二尺五寸設三神位風雲雷雨居中山川

居左城隍居右神牌高二尺四寸寬六寸座高五寸寬九寸朱漆青字祭以春秋仲月上己日風雲雷雨前帛四爵十二山川前帛二爵六城隍前爵三帛一皆白色各羊一豕一釧一簋二籩二籩四豆四

祝文維年月日致祭於

風雲雷雨山川城隍之神曰維

神贊勸天澤福佑蒼黎佐靈化以流行生成永賴乘

氣機而鼓盪溫肅攸宜磅礴高深長保皮貞之

吉憑依鞏固實資捍禦之功幸民俗之殷盈仰
神明之庇護恭修歲祀正值良辰敬潔豆籩祇
陳牲幣尙饗

社稷壇在城西北

按禮祭法諸侯爲百姓立社曰國社諸侯自爲立
社曰侯社大夫以下成羣立社曰置社白虎通社
稷爲天下求福報功人非土不立非穀不食土地
廣博不可徧敬也五穀衆多不可一一而祭也故
封土立社示有土尊稷五穀之長故封稷而祭之

也左傳昭公二十九年共工氏有子曰勾龍爲后
土后土爲社烈山氏之子曰柱爲稷自夏以上祀
之周棄亦爲稷自商以來祀之明初頒郡邑壇制
俱設於本城西北右社左稷洪武十一年定爲同
壇合祭

國朝雍正二年奏准各府州縣設壇壝壇而不屋四圍
俱二丈五尺高三尺三出陛各三級北向繚以周
垣四門丹油北門出入西北隅設瘞坎一立石三
一埋於壇南正中去壇二尺五寸下入土中上露

圓尖神牌二以木爲之高二尺四寸寬六寸五分

座高五寸寬九寸五分一書

府州縣

社之神一書

府州縣

縣稷之神俱硃漆青字臨祭設於壇中置案上稷左社右以春秋仲月上戊日致祭各帛一爵三帛用黑色其祭品儀式與風雲雷雨壇同

祝文維年月日致祭於

社稷之神曰維

神莫安九土粒食萬邦分五色以表封圻育三農而蕃稼穡恭承守土肅展明禋時屆仲穡敬修祀典

庶丸丸松栢鞏磐石于無疆翼翼黍苗佐神倉
於不匱尙饗

先農壇在東門外

按先農說者以爲田祖卽神農教民始耕者一稱
先嗇漢以藉田之日祀之唐垂拱中改藉田壇爲
先農壇明洪武二年建先農壇於南郊在藉田北
國朝雍正四年議定通行直省以該地方建立先農壇
五年題准頒行直省各擇東郊官地潔淨豐腴者
立爲藉田如無官地動支帑銀購買民田以四畝

九分爲藉田卽於藉田後建立先農壇壇制方二丈一尺高二丈一寸四出陛各三級繚以周垣三門朱色自南門入壇北建正房三間東西配房各一間神牌高二尺四寸寬六寸座高五寸寬九寸五分朱漆金字每歲春秋仲月祭祭品儀式用帛一青色爵三羊一豕一劍一簠二簋二籩豆各四罇一祝版一祭畢行耕藉禮知縣秉耒佐貳執青箱播種耆老一人牽牛農夫二人扶犁九推九反農夫終畝

祝文維年月日致祭於

先農之神曰維

神肇興稼穡粒我蒸民頌思文之德克配彼天念率
育之功陳常時夏茲當東作咸服先疇洪惟

九五之尊歲舉三推之典恭膺守土敢忘勞民
謹奉彝章聿修祀事惟願五風十雨嘉祥恆沐
於

神庥庶幾九穗雙歧上瑞頻書於大有尙饗

常雩

按禮月令仲夏之月命有司祈祀山川百源大雩
帝 雩吁嗟求雨之祭也春秋桓公五年秋大雩
左傳曰龍見而雩公羊傳註何休曰雩者旱祭求
雨之名君親之南郊以六事謝過自責使童男女
各八人舞而呼雩故謂之雩乾隆七年

詔有司每歲於四月十八日卽先農壇行禮所祭卽
山川社稷先農神也

祝文維年月日致祭於

社稷先農山川之神曰恭膺

詔命撫育羣黎仰體 彤庭保赤之誠勤農勸稼俯

惟菑屋資生之本力穡服田令甲爰頌肅舉祈
年之典惟寅將事用申守土之忱黍稷惟馨尙
冀明昭之受賜來牟率育庶俾豐裕於蓋藏尙
饗

厲壇在城東北

按祭法王祭泰厲諸侯祭公厲大夫祭族厲鄭子

產曰鬼有所歸乃不爲厲明洪武三年十二月命

京都王國府州縣各立厲壇於城北每歲三祭清

明中元十月朔迎城隍神於壇主祭祭境內之無祀者祭用羊三豕三飯米三斗今仍其制

厲壇祝文維年月日致祭於

城隍之神暨闔境無祀鬼神之眾曰幽明異路守土

維均命折殊名求食罔異維聰明正直而一有

以作之鑒觀庶焄蒿悽愴之情無不極其情狀

爰尊定制聿舉明禋凡斯無祀之魂俱屬有生

之類爲男爲女姓莫紀於官商是故是新一代可

稽於子丑號風嘯雨斷子姓而疇依附草棲烟

絕姻親其何託謹設壇於城北仰三祭於

尊神維茲

中元禁烟寒衣

之節敬備牲醴肅具羹飯統一境之

幽魂索羣靈而大亨鬼言歸也庶幾望壇壝以知歸神之格思尙其薦馨香而來格尙饗

關帝廟在北關外東偏南向正殿三楹前爲拜殿爲石坊顏曰臣子正鵠聯云夕煙古廟話漁樵人心不死夜雨陳編弔魏蜀士氣常伸邑進士尼澄題坊前爲龍廳又前爲正門爲左右角門又前爲戲樓殿東北爲啟聖祠元至元二十八年邑人常天

錫翎修明隆慶六年知縣李恩寵增建拜厦萬厯九年重修天啟甲子邑人郭進步修飭正門並翎建石坊崇禎壬申復修正殿拜厦 本朝康熙四十八年知縣邵鑑道光十七年知縣黃育榎同治十三年知縣周錫璋相繼重修

按此廟爲文武官僚崇祀處其他一在水市街口一在楊家街北至於窮鄉僻處所在皆有故不悉載

關帝仕漢爲前將軍漢壽亭侯宋始封爲忠惠公後

封爲濟英王元封顯靈義勇武安英濟王明萬曆
中勅封三界伏魔大帝神威遠鎮天尊關聖帝君

國朝

勅封疊加忠義神武靈佑仁勇威顯關聖大帝除每歲五
月十三日專祭外春秋仲月擇期致祭祭用帛一

爵三牛一豕一羊一籩豆各十雍正三年增封三
代公爵祀於後殿咸豐五年復封三代爲王爵祭
期先詣 光昭王 裕昌王 成忠王前行禮其
祭品用帛各一羊一豕一籩豆各八尊一爵三

祝文維年月日致祭於

忠義神武靈祐仁勇威顯闕聖大帝曰維

帝浩氣凌霄丹心貫日扶正統而彰信義威震九州
完大節以篤忠貞名高三國神明如在徧祠宇
於寰區靈應丕昭薦馨香於歷代屢徵異績顯
佑羣生恭遇嘉辰遵行祀典筵陳籩豆几奠牲
醪尙饗

後殿祝文維年月日致祭於

光昭王 裕昌王 成忠王曰維

王世澤貽庥靈源積慶德能昌後篤生神武之英善則歸親宜享尊崇之報列諸王之封爵錫命優隆合三世以肇禋典章明備恭諏吉日祇事薦馨尚饗

城隍廟在西街縣治東正殿三楹前爲拜殿爲月臺爲二門爲大門並有左右角門大門外石獅有二又前爲戲樓樓後有宅一所正殿前兩旁爲兩廊十王殿又前左爲瘟疫雷公電神祠右爲奶奶廟又前兩旁爲里社土地祠正殿後爲寢宮東爲真

武殿東房南房各三間正殿西茶房一所明嘉靖
間知縣薛雲霄重修萬曆十二年知縣何文極增
建石坊石欄咸豐三年知縣張鎔重修並增設茶
所數十間於廟右

按城隍之名見於易而廟祀莫知其所始然嘗考
伊耆氏祭蜡水庸居七水隍也庸通墉城也說者
以爲祭城隍之始吳赤烏二年建城隍廟於蕪湖
唐李德裕建城隍祠於成都張說張九齡杜牧輩
俱有祭城隍文傳於世明初郡縣祭附山川壇洪

武二十年改建廟宇以五月十一日爲神誕聽民
間祈賽

國朝定制每歲春秋與風雲雷雨同壇清明中元下元
並主邑厲壇

祝文維年月日致祭於

城隍之神曰維神德懋聰明功隆捍禦壯金湯於千
載崇墉表畿甸之規節風雨於四時和會佐歲
功之叙禍淫福善顯呈有赫之靈威阜物康民
默相無私之化育神庥不應祀典宜昭敬鍊日

時肅陳牲帛馨香唯德鑒格在茲尙饗

八蜡廟舊在城北胡林寨明嘉靖三十九年知縣何騰黃移建東關外

國朝康熙四十八年知縣卽鑑乾隆四十六年知縣周永年嘉慶二十四年武成勇道光十六年李雲鵬咸豐四年知縣李際昌相繼重修

按伊耆氏始爲蜡其神有八一先嗇二司嗇三農四郵表畷五猫虎六坊七水庸八昆蟲鄭氏曰先嗇者神農司嗇后稷是也農田畷也爾雅曰畷農

夫也謂傳是業以授之我者也曰郵表礮者礮井
田間間道也郵若郵亭表也者謂畫疆分理以是
爲準也昔之人爲是而勞今我蒙之而逸蓋不得
不報也曰猫虎者謂能除鼠豕之害吾稼者也曰
坊者謂昔爲隄防之人使吾禦水患者也曰水庸
者謂昔爲畎澮溝洫使吾爲旱備者也曰昆蟲者
先儒謂昆蟲害稼不當與祭乃易以百種是不然
所謂昆蟲者非祭昆蟲也祭其除昆蟲而有功於
我也記曰八蜡以祀四方年不順成八蜡不通以

謹民財也今制定以春秋仲月上戊日祭

祝文維年月日致祭於

八蜡之神曰伊耆始蜡義取報功先嗇司嗇遂及我
農繫郵表畷坊與水庸猫虎咸列害除昆蟲惟
年順成八蜡始通神其歆格錫我屢豐尙饗

衙神廟在縣治內儀門外春秋二仲月上戊日致祭
祭用羊豕庶品楮幣

七聖廟在縣治內正堂之西北隅

馬神廟舊在西小街明萬厯間知縣孔學易移建於

縣治東偏馬厰北

按周禮春祭馬祖夏祭先牧秋祭馬社冬祭馬步
註馬祖天駟也先牧始養馬者馬社始乘馬者馬
步神爲災害馬者自周以後皆以四仲月祭之明
初定春秋二仲月上戊日致祭今仍之

龍王廟在北關

按龍神之祀古不經見唐開元二年祀龍池宋興
始有五龍廟及九龍堂之祈

國朝雍正二年

勅封四海龍王東曰顯仁南曰昭明西曰正恆北曰崇禮
乾隆二十四年禮部議定於春秋仲月辰日致祭
用帛一爵三羊一豕一簋簋各二籩豆各十

火神廟在西門內北小街南向

按顓帝之孫黎爲火正曰祝融禮月令孟夏之月
其神祝融是也顧炎武考古錄後唐長興三年詔
以泰山三郎爲威權將軍宋眞宗加封炳靈公司
業陳祖范云世所傳爲火神也明以六月二十三
日致祭

金川縣志 卷二
國朝康熙二年定如明制

旗纛神每歲霜降日致祭

東嶽廟在蓮花盆街路北

三官廟在西關明隆慶間易以石像

玄帝廟在城北門樓

藥王廟在北關西偏

聖母廟在城南

蠶姑廟在西關

二郎廟在城東

玉皇廟在北關

漢將軍馬武祠在城北銅馬鎮

明大司馬忠烈公盧象昇祠在城南賈庄

邑侯李惠祠在城西北韓家寨鎮

勇義陳滿堂祠在城東孟家莊

靈井祠

在城外西南隅劉家疋痘光緒四年大旱禱雨輒應知縣林穗典史黃世清公建

寺觀附

三明寺

在城縣治南有宋知縣李桓碑記

金閣寺

在縣治東南隄村

龍興寺

在縣治東新集

崇福寺

在縣治西北呂家寨

金鳳縣志 卷二
福聖寺

在縣治東
北團城集

通仙觀

在東
嶽廟

淨土庵

在東
小街

理

觀 在城
隍廟

倉儲

常平倉在縣治南有門有庭倉廩五聯凡三十五間

額貯穀一萬八千石乾隆十四年知縣鍾和梅修

現已塌壞

義倉五

東路在王六村 西路在張威 南路在隄村

北路在官亭 東北路在蘇家營

光緒六年知縣王公贊元奉藩憲任公札捐穀六千一百二十五石二斗五升二合時以城內倉廩塌壞未修四路義倉亦未修理堅固將穀石暫存各鄉交公正紳士經管七年趙公映辰蒞任慮穀石分存各鄉日久滋弊且未易盤查稟明上憲變折穀價一萬八千三百七十五吊七百五十六文發商生息

郵政

養濟院在縣治西南隅有門庭舍宇雍正八年知縣

金華縣志 卷二
侯世勲修

額設孤貧男婦二十名每名歲食銀三兩六錢共
食銀七十二兩大建月每月六兩小建月每月五
兩八錢除六日扣銀一兩二錢實支銀七十兩零
八錢每年冬花布每名支銀二錢七分八厘三毫
四絲七忽共支銀五兩五錢六分七厘二項共支
銀七十六兩三錢六分七厘

留養局在城隍廟左小楊家街路東西向經費成本
制錢一百吊發商按一分八厘行息每年臘月將

息錢發給貧民

漏澤園在邑厲壇東長十七步二小尺濶十五步一
小尺萬厯十二年知縣何文極刵建

光緒三年冬知縣褚登瀛請賑銀貳仟兩以濟貧民
四年歲大饑知縣林穗請漕米陸百石賑饑

坊額

風憲坊

奪錦坊

進士坊

內翰坊俱爲檢討蔡彥建

鯤化坊知州王邦臣

以上在東大街今俱廢

國賓坊

進士坊

繡衣坊

豸史坊俱爲御史張智建

觀光坊知縣馬騏

柱史坊

殿中執法坊俱爲御史陳世寶建

恩榮沒世坊知縣趙鶚薦爲通政使張紹先

諭祭建

以上今俱廢

皇恩四世坊張汝張爾德張紹先張儉

四世恩榮坊楊若柏楊粹玉楊思聖楊

履

吉

以上在西大街

榮階金徘徊中憲大夫楊坦鴻臚序班楊若柏

在楊家街

伯芳坊同知馬時中

仲芳坊

進士坊

天官郎第坊俱爲員外馬允中建

以上在西小街

冠英坊教諭靳和

毓英坊學正尼繕

錦標坊知縣朱恭

攀桂坊訓導秦九中

青雲坊教諭尼宗訓

皇都得意坊

進士坊

理官坊俱爲評事王彙建

世德濟美坊通判馬循道

接武坊訓導尼良直

以上在南大街今俱廢

近光坊序班張守業

在北大街今廢

尙賓坊改爲丹山起鳳坊通判黃流

滄海騰蛟坊同知楊坦

容臺分署坊序班楊若柏

以上在北小街

紫綉宣幽坊選貢王希珍妻張氏孝子生員王良弼

在北大

街路東

貞節坊李希孟妻尼氏

在北門內路東

名聞淑烈坊廩生尼政行烈婦馬氏

在南大街路西

一門孝義坊慈母陳氏義兄弟趙智趙慧

在北街路東

母節子孝坊節婦霍氏孝子劉希賢

舖舍

總舖在縣治東清水道舖在城東南十里原莊舖在城西南十五里各設舖司一名舖兵共十四名
傳送公文

橋梁

北花窩木橋一座
馮家寨木橋一座

張王疇木橋一座
台頭村木橋一座

王六村石橋一座

北無塵木橋一座

蘇家口石橋一座

洪水口石橋一座

苔草村木橋一座

寨堡

同治元年東省教匪竄擾畿輔時各州縣奉檄令鄉鎮修建寨堡以禦寇小村歸并大村此堅壁清野之法也本縣四鄉寨堡多一二年所建

東路五

辛集

琉璃寺

小留莊

閭疇鎮

隄村

西路十二

西張莊 劉屠莊 南哈口 何家寨 韓家寨

尋虎 小呂寨 進虎寨 南原莊 大屯頭 西

孟莊 胡林寨

南路七

王柏社 賈莊 孔家寨 午時村 紀家寨 薄

家莊 白佛

北路十六

魚營 官亭 觀音寨 小寨 神堂坡 南孟村

西孟村 蘇家營 張郭莊 左舊城 團城

夏舊城 辛莊集 東馮寨 吉家莊 戲樓張莊